

礼仪典

禮儀典第六十四卷

喪葬部彙考二十八

金

太祖天輔七年八月上崩于部堵灤西行宮葬宮城西南寧神殿 按金史太祖本紀天輔七年六月壬午次鴛鴦灤丙申上不豫將還上京命移賚勃極烈宗翰爲都統吳勃極烈昱迭勃極烈幹魯副之駐兵雲中以備邊己酉次斡獨山驛召諳班勃極烈吳乞買七月辛酉次牛山宗翰還軍中八月乙未次渾河北諳班勃極烈吳乞買率宗室百官上謁戊申上崩於部堵灤西行宮年五十六九月癸丑梓宮至上京乙卯葬宮城西南寧神殿 按太宗本紀天輔七年六月太祖次鴛鴦灤有疾至斡獨山驛召赴行在詔曰今遼主盡喪其師奔於夏國遼官特列遙設等劫其子雅里而立之已留宗翰等措畫朕親巡已久功亦大就所獲州部政須綏撫是用還都八月中旬可至春州汝率內戚迎我若至豹子崖尤善八月乙未會於渾河北戊申太祖崩九月乙卯葬太祖於宮城西 太宗天會二年秋七月壬午皇子宗峻薨 按金史太祖本紀云云

天會十三年春正月上崩於明德宮二月改葬太祖於和陵三月葬太宗於和陵秋九月改葬徽宗及惠昭后於興陵 按金史太宗本紀天會十三年春正月己巳上崩于明德宮年六十一庚午諡班勃極烈卽皇帝位于柩前三月庚辰上尊諡曰文烈皇帝廟號太宗乙酉葬和陵 按太祖本紀天會十三年春二月辛酉改葬和陵立開天啟祚睿德神功之碑于燕京城南嘗所駐蹕之地 按熙宗本紀天會十三年春正月己巳太宗崩庚午卽皇帝位癸酉遣使告哀于齊高麗夏二月辛酉改葬太祖於和陵三月庚辰諡大行皇帝曰文烈廟號太宗乙酉葬太宗于和陵九月壬申追尊皇考豐王爲景皇帝廟號徽宗皇妣蒲察氏爲惠昭皇后乙酉改葬徽宗及惠昭后于興陵 按徽宗世紀徽宗景宣皇帝諱宗峻熙宗卽位追尊上諡改葬興陵

熙宗天會十四年春正月太皇太后紇石烈氏崩二月葬睿陵 按金史熙宗本紀天會十四年正月己巳朔上朝太皇太后于兩宮丁丑太皇太后紇石烈氏崩二月癸卯上尊諡曰欽獻皇后葬睿陵 按太祖欽獻皇后傳后紇石烈氏天會十三年尊爲太皇太后宮號慶元十四年正月己巳朔熙宗朝于慶元宮然後御乾元殿受羣臣賀是月丁丑崩于慶元宮二月癸卯祔葬睿陵

皇統二年春三月歸宋徽宗及后鄭氏高宗后邢氏三喪于江南冬十二月皇太子濟安薨按金史熙宗本紀皇統元年二月乙酉改封昏德公趙佖爲天水郡王重昏侯趙桓爲天水郡公二年三月丙辰遣左宣徽使劉筭以袞冕主冊冊宋康王爲帝歸宋帝母韋氏及故妻邢氏天水郡王并妻鄭氏喪于江南冬十二月甲申皇太子濟安薨按皇太子濟安傳皇統二年二月戊子生于天開殿十二月薨諡英悼太子薨興陵之側上送至烏只黑水而還命工塑其像于儲慶寺上與皇后幸寺安置之

皇統三年春正月以皇太子喪不御正殿三月太皇太后唐括氏崩八月葬恭陵按金史熙宗本紀皇統三年正月己丑朔以皇太子喪不御正殿羣臣詣便殿稱賀三月丁酉太皇太后唐括氏崩五月癸亥上致祭太皇太后七月丙寅上致祭太皇太后八月乙巳諡太皇太后曰欽仁皇后戊申葬恭陵按太宗欽仁皇后傳后唐括氏熙宗卽位與太祖欽憲皇后俱尊爲太皇太后皇統三年崩于明德宮諡曰欽仁皇后祔葬恭陵

皇統四年祭欽仁皇后並改太祖太宗陵號按金史熙宗本紀皇統四年春正月乙亥上祭欽仁

皇后哭盡哀 按太祖本紀天會十三年改葬和陵皇統四年改和陵曰睿陵 按太宗本紀天會十三年葬和陵皇統四年改號恭陵

皇統九年冬十二月丁巳帝崩葬于皇后裴滿氏墓中 按金史熙宗本紀皇統九年冬十一月癸未殺皇后裴滿氏十二月己酉上至自獵所丙辰殺妃裴滿氏于殿寢而平章政事亮因羣臣震恐與所親駙馬唐括辯等謀爲亂丁巳夜二鼓遂進弑帝帝崩時年三十一左丞相秉德等遂奉亮坐羅拜呼萬歲立以爲帝降帝爲東昏王葬於皇后裴滿氏墓中

海陵貞元元年四月皇太后大氏崩以園陵未畢停冬享及祫祭又定內外官聞大功以上及父母喪給假令 按金史海陵本紀天德二年春正月癸巳尊嫡母徒單氏及母大氏皆爲皇太后名徒單氏宮曰永壽大氏宮曰永寧貞元元年夏四月戊寅皇太后大氏崩冬十月壬戌有司言太后園陵未畢合停冬享及祫祭從之丙子命內外官聞大功以上喪止給當日假若父母喪聽給假三日著爲令 按海陵母大氏傳天德二年與徒單氏俱尊爲皇太后貞元元年四月有疾戊寅崩詔尙書省應隨朝官至五月一日方治事中都自四月十九日爲始禁樂一月外路自詔書到日後官司

三日不治事禁樂一月聲鐘七晝夜

貞元三年十一月改葬太祖太宗熙宗于大房山 按金史海陵本紀貞元三年春三月乙卯命以大房山雲峯寺爲山陵建行宮其麓夏五月乙卯命判大宗正事京等如上京奉遷太祖太宗梓宮丙寅如大房山營山陵六月乙未命右丞相僕散思恭大宗正丞胡拔魯如上京奉遷山陵秋七月辛酉如大房山杖提舉營造官吏部尙書耶律安禮等乙亥還宮八月壬午如大房山甲申啟土賜役夫人絹一疋是日還宮甲午遣平章政事蕭玉迎祭祖宗梓宮於廣寧九月戊申平章政事張暉迎祭梓宮於宗州己未如大房山庚申還宮丁卯上親迎梓宮於沙流河庚午獵親射麋以薦梓宮壬申至沙流河冬十月戊寅致奠梓宮於東郊舉哀己卯梓宮至中都以大安殿爲丕承殿安置辛卯告於丕承殿乙未如鼓宮冊諡永寧皇太后曰慈憲皇后丁酉大房山行宮成名曰馨寧戊戌還宮十一月乙巳朔梓宮發丕承殿戊申山陵禮成 按太祖本紀貞元三年十一月改葬于大房山仍號睿陵 按太宗本紀貞元三年十一月戊申改葬于大房山仍號恭陵 按熙宗本紀貞元三年改葬于大房山蓼香甸諸王同兆域大定初追諡武靈皇帝陵曰思陵 按海陵母大氏傳貞元

三年大祥海陵率後宮奠哭于敢宮海陵將遷山陵於大房山故大氏猶在敢宮也九月太祖太宗德宗梓宮至中都尊諡曰慈憲皇后海陵親行冊禮與德宗合葬于大房山

正隆元年十月遷葬始祖以下十帝於大房山 按金史海陵本紀正隆元年七月己酉命太保昂如上京奉遷始祖以下梓宮八月丁丑如大房山行視山陵十月乙酉葬始祖以下十帝於大房山丁酉還宮閏月己亥山陵禮成羣臣稱賀

正隆六年十一月帝崩于瓜州軍中 按金史海陵本紀正隆六年九月上自將三十二總管兵伐宋十一月乙未浙西兵馬都統制完顏元宜等軍反帝遇弒崩年四十都督府以其柩置之南京班荆館

世宗大定二年四月葬海陵王九月改葬睿宗及欽慈皇后於景陵以貞懿皇后遺命用浮屠法不合葬詔增修舊塔 按金史世宗本紀大定二年四月辛未降廢帝亮爲海陵郡王九月庚戌改葬睿宗皇帝辛酉奉遷睿宗皇帝梓宮於磐靈宮十月戊辰如山陵謁睿宗皇帝梓宮哭盡哀戊子葬睿宗皇帝於景陵 按海陵本紀大定二年降封爲海陵郡王諡曰煬二月世宗使小底妻室與南

京官遷其柩於寧德宮四月葬於大房山鹿門谷諸王兆域中 按睿宗世紀天會十三年行次媯州薨年四十陪葬睿陵世宗卽位追上尊諡立德顯仁啟聖廣運文武簡肅皇帝廟號睿宗二年改葬大房山號景陵 按睿宗欽慈皇后蒲察氏傳世宗卽位追諡欽慈皇后大定二年祔葬景陵 按睿宗貞懿皇后李氏傳后入睿宗邸天輔七年世宗生天會十三年睿宗薨世宗時年十三后教之有義方舊俗婦女寡居宗族接續之后乃祝髮爲比丘尼號通慧圓明大師賜紫衣歸遼陽營建清安禪寺別爲尼院居之貞元三年世宗爲東京留守正隆六年五月后卒世宗哀毀過禮以喪去官是歲十月世宗卽位於東京尊諡爲貞懿皇后其寢園曰孝寧宮大定二年改葬睿宗於景陵初后自建浮圖於遼陽是爲垂慶寺臨終謂世宗曰鄉土之念人情所同吾已用浮屠法置塔於此不必合葬也我死毋忘此言世宗深念遺命乃卽東京清安寺建神御殿詔有司增大舊塔起奉慈殿于塔前爲塔銘以敘其意

大定八年春二月甲午朔制子爲改嫁母服喪三年 按金史世宗本紀云云

大定九年春二月丙申詔改葬漢二燕王於城東 按金史世宗本紀云云

大定十一年春三月葬宋欽宗於鞏洛之原 按金史世宗本紀大定十一年春三月辛巳命有司以天水郡公旅櫬依一品禮葬於鞏洛之原

大定十九年改葬太祖崇妃蕭氏及昭德皇后於坤厚陵諸妃附 按金史世宗本紀大定十九年

冬十一月壬戌改葬昭德皇后 按顯宗世紀大定十九年十一月改葬昭德皇后於坤厚陵帝徒

行輓靈車遇大風雪左右進雨具帝却之比至墳所衣盡霑濕觀者無不下淚帝友愛兄弟葬昭德

皇后於坤厚陵諸妃皆附自馨寧宮發引趙王惟中以其母輜車先發令張黃蓋者前行帝呼執蓋

者不應少府監張謹言欲奏其事帝止之 按太祖崇妃蕭氏傳熙宗時封貴妃天德二年封元妃

是年尊封太妃海陵母大氏事蕭氏甚謹海陵篡立尊大氏爲皇太后居永寧宮每有宴集太妃坐

上坐大氏執婦禮海陵積不能平及殺宗義等誣太妃以隱惡殺之大定十九年詔改葬太宗正丞

宗安監護葬事遣使致祭上欲復太妃舊號下禮官議止當追封妃號詔從之乃封崇妃云 按世

宗昭德皇后傳后烏林荅氏旣歸世宗極得婦道世宗在濟南海陵召后來中都后念若身死濟南

海陵必殺世宗惟奉詔去濟南而死世宗可以免謂世宗曰我當自勉不可累大王也旣離濟南從

行者知后必不肯見海陵將自爲之所防護甚謹行至良鄉去中都七十里從行者防之稍緩后得聞卽自殺海陵猶疑世宗教之使然世宗自濟南改西京留守過良鄉使魯國公主葬后於宛平縣土魯原大定二年追冊爲昭德皇后立別廟十九年改卜於大房山十一月甲寅皇后梓宮至近郊百官奉迎乙卯車駕如楊村致祭丙辰上登車送哭之慟戊午奉安於馨寧宮庚申葬於坤厚陵諸妃祔焉章宗時有司奏太祖諡有昭德字改諡明德皇后按鍋王永中傳大定十九年改葬明德皇后於坤厚陵王永中母元妃張氏陪葬十一月庚申自馨寧宮發引永中以元妃柩先發使執黃繖者前導俄頃皇后柩出馨寧宮顯宗徒跣少府監張謹言呼執黃繖者不應旣葬謹言欲奏其事顯宗解之曰是何足校哉或繖人誤耳

永中顯宗世紀作惟中

大定二十一年春正月追貶海陵爲庶人改葬之二月以元妃李氏喪致祭興德宮按金史世宗本紀大定二十一年春正月追貶海陵煬王亮爲庶人詔中外二月乙巳以元妃李氏之喪致祭興德宮過市肆不聞樂聲謂宰臣曰豈以妃故禁之耶細民日作而食若禁之是廢其生計也其勿禁朕前將詣興德宮有司請由薊門朕恐妨市民生業特從他道顧見街衢門肆或有毀撤障以簾箔

何必爾也自今勿復毀撤 按海陵本紀大定二十年熙宗既祔廟有司奏曰煬王之罪未正準晉趙王倫廢惠帝自立惠帝反正誅倫廢爲庶人煬帝罪惡過於倫不當有王封亦不當在諸王瑩域乃詔降爲海陵庶人改葬於山陵西南四十里 按世宗元妃李氏傳妃生鄭王允蹈衛紹王允濟潞王允德豫王允成母昭儀梁氏早卒上命允成爲妃養子大定元年封賢妃二年進封貴妃七年進封元妃大定二十一年二月上如春水次長春宮戊子妃以疾薨詔允成允蹈允濟允德皆服衰經居喪己丑皇太子及扈從臣僚奉慰於芳明殿辛卯留守官平章政事唐括安禮曹王允功等上表奉慰御史中丞張九思提控殯事少府監左光慶大興少尹王脩典領鹵簿儀仗宮籍監別治殯所還殯京師乙未入崇智門百官郊迎親戚迎奠道路殯於興德宮西位別室庚子上至京師幸興德宮致奠比葬三致奠焉詔平章政事烏古論元忠監護葬事癸未啟鼓上輟朝皇太子親王宗戚百官送葬甲申葬於海王莊丙戌上如海王莊燒飯

大定二十五年夏六月皇太子允恭薨遣使致祭命執喪用漢儀秋七月上臨奠冬十一月葬大房山 按金史世宗本紀大定二十五年夏六月庚申皇太子允恭薨庚午遣左宣徽使唐括鼎詣京

師致祭皇太子戊寅命皇太子妃及諸皇孫執喪並用漢儀七月己酉至自上京是日上臨奠宣孝
皇太子於熙春園 按顯宗世紀大定二十五年夏六月甲寅帝不豫庚申崩於承華殿世宗自上
京還次天平山好水川訃聞爲位臨奠於行宮之南大慟者久之親王百官皇族命婦及侍衛皆會
哭世宗號泣還宮比至中都爲位奠哭者凡七焉世宗以幽王永成爲中都留守來護喪遣滕王府
長史再興御院通進阿里刺來保護金源郡王遣左宣徽使唐括鼎來致祭詔妃徒單氏及諸皇孫
喪服並如漢制帝在儲位久恩德在人者深每日三時哭臨侍衛軍士皆爭入臨伏哭于承華殿下
聲殷如雷中都百姓市門巷端爲位慟哭七月壬午朔賜諡宣孝太子九月庚寅殯於南園熙春殿
己酉世宗至自上京未入國門先至熙春殿致奠慟哭久之比葬親臨者六冬十月庚戌朔宰相以
下朝見於慶和殿太尉完顏守道上壽世宗追悼悽愴者久之十一月甲申靈駕發引世宗路祭於
都城之西庚寅葬於大房山世宗欲加帝號以問羣臣翰林修撰趙可對曰唐高宗追諡太子弘爲
孝敬皇帝左丞張汝弼曰此蓋出於武后遂止乃建廟於衍慶宮後祭用三獻樂用登歌二十六年
立子璟爲皇太孫二十九年世宗崩太孫卽位是爲章宗五月甲午追諡體道弘仁英文睿德光孝

皇帝廟號顯宗丁酉祔於太廟陵曰裕陵

大定二十八年改葬熙陵以悼皇后祔 按金史世宗本紀大定二十八年冬十一月戊戌以改葬熙陵詔中外 按熙宗悼平皇后傳后裴滿氏熙宗卽位封貴妃天眷元年立爲皇后干預政事無所忌憚海陵乘之以成逆亂之計久之熙宗積怒遂殺后而納胙王常勝妃撒卯入宮繼之明日熙宗遇弑海陵已弑熙宗欲收人心以后死無罪降熙宗爲東昏侯追諡后爲愍皇后大定間復熙宗帝號加諡后爲悼平皇后祔葬思陵

大定二十九年春正月上崩於福安殿四月葬興陵以昭德皇后祔 按金史世宗本紀大定二十八年冬十二月乙亥上不豫庚辰赦天下乙酉詔皇太孫璟攝政居慶和殿東廡丙戌以太尉左丞相徒單克寧爲太尉兼尙書令平章政事襄爲尙書右丞相右丞張汝霖爲平章政事參知政事完顏婆盧火罷以戶部尙書劉暉爲參知政事戊子詔尙書令徒單克寧左丞相襄平章政事張汝霖宿於內殿二十九年春正月壬辰朔上大漸不能視朝癸巳上崩於福安殿壽六十七皇太孫卽皇

帝位己亥殯於太安殿三月辛卯朔上尊諡曰光天興運文德武功聖明仁孝皇帝廟號世宗夏四月乙酉葬興陵 按章宗本紀大定二十八年冬十二月乙亥世宗不豫詔攝政聽授五品以下官丁亥受攝政之寶二十九年春正月癸巳世宗崩卽皇帝位于柩前己亥遷大行皇帝梓宮于太安殿丁巳山東統軍裔以私過都城不赴哭臨筭五十降授彰化軍節度使癸亥始聽政夏四月乙酉葬世宗光天興運文德武功聖明仁孝皇帝于興陵五月丙午以祔廟禮成大赦秋九月戊午朔天壽節以世宗喪不受朝冬十二月己亥葬興陵 按世宗昭德皇后傳大定二十九年祔葬興陵按移刺履傳履擢尙書禮部侍郎兼翰林學士世宗遣詔移梓宮壽安宮章宗詔百官議皆謂當如遺詔履獨曰非禮也天子七月而葬同軌至其國使萬國之臣朝大行于離宮乎上曰朕日夜思之捨正殿而奠于別宮情有所不忍且于禮未安遂殯于太安殿

章宗明昌元年正旦及天壽節以世宗喪不受朝是年金纂修雜錄成圖凶儀鹵簿十三節以備大葬 按金史章宗本紀明昌元年春正月丙辰朔改元以世宗喪不受朝甲子如大房山乙丑奠謁興陵裕陵丙寅還都二月甲寅如大房山三月乙卯朔謁奠興陵秋九月壬子朔天壽節以世宗喪

不受朝 按禮志金人之入汴也悉收其圖籍載其車輅法物儀仗而北繼以海陵志欲併吞江南乃命官修汴故宮繕宗廟社稷悉載宋故禮器以還世宗既興復收嚮所遷宋故禮器以旋乃命官叅校唐宋故典沿革開詳定所以議禮設詳校所以審樂統以宰相通學術者於一事之宜適一物之節文既上聞而始彙次至明昌初書成凡四百餘卷名曰金纂修雜錄凡事物名數支分派引珠貫基本井然有序炳然如丹又圖吉凶二儀貞簿十三節以備大葬

明昌二年正旦以世宗喪不受朝辛酉皇太后崩四月葬裕陵九月天壽節又以皇太后喪不受朝是年徒單克寧薨帝欲親爲燒飯以太后喪在殯而止 按金史章宗本紀明昌二年春正月庚戌朔以世宗喪不受朝乙卯皇太后不豫自是日往侍疾丙夜乃還辛酉皇太后崩甲戌百官表請聽政不許戊寅吳王永成隋王永升以聞國喪奔赴失期罰其俸一月其長史筓五十己卯有司言漢王永中以疾失期上諭使回二月壬午百官復請聽政不許壬辰上始視朝夏四月乙酉葬孝懿皇太后於裕陵秋九月丁未朔天壽節以皇太后喪不受朝甲寅如大房山乙卯謁奠裕陵 按顯宗孝懿皇后徒單氏傳顯宗爲皇太子大定四年九月備禮親迎于貞第是年十一月顯宗生辰初封

爲皇太子妃八年皇孫生是爲章宗章宗卽位尊爲皇太后明昌二年正月崩於隆慶宮年四十五
諡曰孝懿祔葬裕陵 按鎬王永中傳明昌二年正月辛酉孝懿皇后崩判真定府事吳王永成判
定武軍節度使隋王永升奔喪後期各罰俸一月杖其長史五十王永中適有寒疾不能至上怒頗意
諸王有輕慢心遣使責永中曰已近公除亦不須來二月丙戌禪祭永中始至入臨辛卯始克行燒
飯禮壬辰永中及諸王朝辭賜遺留物禮遇雖在而嫌忌自此始矣 按續文獻通考時孝懿皇后
梓宮在殯太傅徒單克寧薨章宗欲親爲燒飯右諫議大夫張暉奏曰仰惟聖慈追念勳臣恩禮隆
厚孰不感勸太祖時享尙權停若爲大臣燒飯禮有未安乃止

明昌三年正旦及天壽節以太后喪不受朝尙書省以孝懿皇后小祥請依世宗忌辰例從之 按
金史章宗本紀明昌三年春正月乙巳朔以皇太后喪不受朝丙辰以孝懿皇后小祥尙書省請依
明昌元年世宗忌辰例諸王陪位服慘素去金玉之飾百官不視事禁音樂屠宰從之九月庚午朔
天壽節以太后喪不受朝

明昌四年春正月己巳朔以皇太后喪不受朝 按金史章宗本紀云云

古今圖書集成
明昌六年溫妃石抹氏薨以張暉議霍王從彝爲服慈母齊衰素服終制 按金史章宗本紀不載
按續文獻通考霍王從彝母早死溫妃石抹氏養之明昌六年溫妃薨上問從彝喪服張暉奏慈母
服齊衰三年桐杖布冠禮也從彝近親至尊壓降與臣下不同乞於未葬以前服白布衣絹巾既葬
止用素服終制朝會從吉上從其奏

承安二年冬十月丁亥皇子壽王薨 按金史章宗本紀云云 按壽王洪輝傳本名訛論承安二
年五月生彌月封壽王十月丁亥薨備禮葬

泰和二年興陵崇妃薨上欲成服苑中登門送喪以賈鉉之對而止 按金史章宗本紀不載 按
賈鉉傳泰和二年興陵崇妃薨上欲成服苑中行登門送喪之禮以問鉉鉉對曰故宋嘗行此禮古
無是也遂已

泰和三年夏五月辛卯皇子葛王薨 按金史章宗本紀云云 按葛王忒鄰傳泰和二年八月生
彌月將加封三等國號無愜上意者念世宗在位最久年最高初封葛王遂封爲葛王三年薨
泰和四年秋七月甲申改葬鎬王永中於威州 按金史章宗本紀云云